



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Cistercien. Et Clarevall. Abbatibus.

urn:nbn:de:hbz:466:1-20006

Regi Franciæ contra omnes homines
 à quadraginta homin. de terra mea
 Fland. quam modo teneo, quos ipse Rex
 Franciæ elegerit. Et quàm cito ad me ve-
 nerit per jus meum terra quam Comitissa
 uxor quondam avunculi mei Comitis
 Fland. Philippi tenet nomine dotalitij,
 à quadraginta hominum meorum illius
 terræ, quos Rex Franciæ elegerit, ean-
 dem securitatem fieri & præstari faciam
 Domino meo Regi Franciæ. Et quicun-
 que morientur ex his qui hanc fecerint
 Regi Franciæ securitatem, heredes eo-
 rum eandem securitatem præstare Regi
 Franciæ faciam. Quicumque hominum
 meorum de utraque terra prædicta hu-
 jusmodi securitatem Domino Regi Franciæ
 facere noluerint, terras suas eis au-
 feram, nec reddam, donec Regi Franciæ
 dictam fecerint securitatem. Et interim
 alios ad electionem Regis Franciæ fac-
 iam Regi facere illam securitatem. Ceterum
 Dominum Remen. Archiepiscopum, & Atrebaten. & Cameracen. &
 Tornacen. & Morinen. Episcopos roga-
 bo, & bona fide requiram, quòd quo-
 tiescunque me à prædictis conventioni-
 bus resilire contigerit, tories me excom-
 municent, & terram meam totam inter-
 dicto supponant, non obstante aliqua
 appellatione, donec id emendatum sit
 Regi Franciæ. Et literas meas patentes
 tam Archiepiscopo quàm dictis Episco-
 pis dabo continentes me his concessisse
 quòd hanc justitiam possint in me exer-
 cere, non obstante appellatione, si à di-
 ctis conventionibus resiliero: & efficiam
 ad posse meum, quòd ipsi literas suas
 patentes super hoc dabunt Regi Fran-
 ciæ. Ita etiam quòd quicumque succeffe-
 rint Remen. Archiepiscopo & memora-
 tis Episcopis, ad idem faciendum super
 me & super terram meam Domino Regi
 Franciæ tenebuntur. Dominum Papam
 etiam & alios Summos Pontifices Domi-
 ni Papæ successores rogabo per literas
 meas patentes, quas tradam Regi Fran-
 ciæ, quatenus Domino Regi Franciæ
 suas super hoc confirmationis dent lite-
 ras, & justitiæ in me & terram meam
 exercendæ, si ab his resiliero. Sciendum
 præterea quòd Domino meo Philippo
 Regi Franciæ & heredi suo quito feu-
 dum Bolen. & feudum Gumar. & feu-
 dum Osiaci, si quid in illis feudis habeo.
 Quæ omnia juravi, & sigillo meo rata
 firmavi. Nulli ergo &c. Datum Romæ
 apud S. Petrum.

*Scriptum est autem super hoc Vuilclmo
 Remen. Archiepiscopo & Suffraganeis ejus,
 ut apost. freti auctoritate dictam composi-
 tionem faciant, sublato cujuslibet contradic-
 tionis & appellationis obstaculo, per excommu-
 nicationis in personas & interdicti senten-
 tiam in terras, inviolabiliter obser-
 vari.*

CISTERCIEN. ET CLAREVALL.
 Abbatibus.

DEferendum Regi quasi præcellen-
 ti cum in generali testetur Apo-
 stolus, illi deferre specialiter volumus &
 deferri desideramus ab aliis quem certis
 novimus argumentis & fidei catholi-
 cæ integritate præcellere, & inter cete-
 ros Reges in devotione Rom. Ecclesiæ
 proposito persistere firmiori. Hinc est
 quòd nos attendentes fidem & devotio-
 nem quam carissimus in Christo filius
 noster Philippus Rex Francorum illu-
 stris, non solum circa Rom. Ecclesiam,
 verum etiam circa Ecclesias universas,
 quasi ex liberalitate innata creditur ex-
 hibere, de venerabilis fratris nostri Ro-
 thomagen. Archiepiscopi discretione
 miramur, quia (sicut audivimus) cum
 idem Rex super facto Andeliaci ab ip-
 so Archiepiscopo tanquam à suspecto
 iudice appellaret, ne aliquid posset
 in ejus præjudicium generari, nihilomi-
 nus idem Archiepiscopus ipsum infest-
 at, ejusque terram in sua provincia
 constitutam ecclesiastico minatur sup-
 ponere interdicto. Vnde nos Cano-
 num statuta sequentes, si quid post ap-
 pellationem illam rationabiliter inter-
 positam in ejus præjudicium fuerit at-
 tentatum, irritum decernentes penitus
 & inane, præfato Archiepiscopo man-
 davimus, districtius inhibentes, ne præ-
 dictum Regem de cetero propter hoc
 molestare aut in terram ejus sententiam
 promulgare præsumat, quamdiu coram
 vobis, qui neutri partium merito debetis
 esse suspecti, parere voluerit æquitati.
 Quocirca discretioni vestræ per aposto-
 lica scripta mandamus, quatenus si præ-
 dictus Archiepiscopus post appellationem
 illam, eodem Rege taliter juri-
 stare parato, in prædictam terram ali-
 quam in gravamen ipsius duxerit senten-
 tiam promulgare, vos nostra freti auctori-
 tate illam denunciatis sublato appellationis
 obstaculo non tenere. Ne verò propter

*Epist. 137.
 Ut per Archie-
 piscopum Rotho-
 magenensem,
 post interposi-
 tam à Philippo
 Gallorum Re-
 ge appellationem,
 attentari levocent.*

*Vide supra epist.
 108.*

loci distantiam eidem Archiepiscopo grave sit ad vestram presentiam pro consequenda iustitia laborare, presentium vobis auctoritate mandamus, ut quoties necesse fuerit, ad locum congruum accedatis, & sine personarum acceptione, iustitia mediante, procedere non taretis. Nullis literis obstantibus, si qua apparuerint veritate tacita &c. Datum Romae apud sanctum Petrum.

ODONI TERDON. EPISCOPO.

Officij nostri debitum & sollicitudo requirit ut fratres & coepiscopos nostros in iustis debeamus petitionibus specialius exaudire, nec eorum sententias, quas in contumaces & rebelles duxerint rationabiliter promulgandas, permittamus temeritate qualibet violari. Cum igitur, sicut tua nobis insinuatio patefecit, multi religiosi tuae diocesis contra generale interdictum a te positum divina non metuant officia celebrare, fraternitati tuae auctoritate presentium duximus indulgendum, ut liceat tibi omnes tuae diocesis, salvis privilegijs & indulgentijs Rom. Pontificum, ad observantiam interdicti a te positi appellatione remota canonica distinctione compellere. Nulli ergo &c. Datum Romae apud sanctum Petrum.

GRADENSI PATRIARCHAE.

Si quando a fratribus & coepiscopis nostris a nobis requiritur quod a tramite rationis non deviet, eorum postulationi facilem nos convenit praebere consensum; ut eo fortius circa injunctum sibi officium intendere valeant, & in nostra devotione persistere, quod se a nobis benignius ac celerius senserint exauditos. Inde est quod cum Ecclesiam sancti Achindani apud Constantinopolim te habere proponas, quidam suffraganeorum tuorum decimas a parochianis ejusdem Ecclesiae, qui de tuis partibus ad eandem parochiam saepe domicilia transferunt, ea occasione instanter requirunt, quia patres eorum, avi, sive proavi, decimas ipsis aliquando persolverunt, & ad ipsas decimas extorquendas nonnunquam suos vicarios transmittere non formidant, non attendentes quod licet ipsi parochiani eorum aliquando fuerint, ex quo se ad alienam parochiam transtulerunt, manum non licet cuiquam in messem mittere alienam. Ideoque nos

indemnitati tuae sollicitè providere volentes, fraternitati tuae presentium auctoritate concedimus ut liceat tibi a parochianis praescriptae Ecclesiae tuae beati Achindani, non obstante quod eorum antecessores praedictis suffraganeis tuis, dum in ipsorum parochia permanebant, decimas persolverunt, liberè decimas percipere & tenere, nihilominus etiam jus conuentuale, quod in capellis Ecclesiae praenominatae tibi de jure comperit, sine contradictione cujuslibet de auctoritate nostra valeas exercere. Nulli ergo &c. Datum Romae apud sanctum Petrum 1 v. Non. Maij, Pontificatus nostri anno primo.

ABBATI ET CONVENTUI Belle-Villae.

Cum a nobis petitur &c. usque ad verbum illud effectum. Ve igitur apostolici favoris obtentu religio vestra, Deo dante, grata in spiritualibus & temporalibus recipiat incrementa, statuimus ut vobis de concessione nostra sit licitum in locis in quibus competens fratrum numerus a vobis fuerit institutus, cum assensu dioecesanis Episcopi, sine detrimento juris alterius, oratoria sine cujuslibet contradictione construere, ubi fratribus morantibus cum familiis suis secundum statuta ordinis vestri divina valeant officia ministrari. Datum Romae apud sanctum Petrum Non. Maij, Pont. nostri anno primo.

E I S D E M.

Quanto creatori vestro sub religionis habitu astricti estis devotius famulari, tanto sollicitius nos convenit providere ne per immoderati oneris gravitatem aliquatenus possit in vobis monasticj profectus ordinis impediri. Accipimus autem vobis significantibus quod ab ipso domus vestrae foundationis primordio de fundatoris voluntate processit ut fratribus S. Irenaei procuracionem unam annis singulis liberaliter exhiberet, cum terras vel redditus non teneatis ab eis, propter quos hujusmodi procuratio ipsis debeat exhiberi. Verum tunc temporis propter fratrum & servientium paucitatem domum vestram exhibita procuratio non gravabat, cum fines levium non excederet expensarum. Sed nunc tantum ibi excrevit numerus servitorum & fratrum quod ad facien-

K ij

Epist. 132. Quod omnes religiosi sibi subiectos licet ad observantiam interdicti compellere, salvis privilegijs Romanorum Pontificum.

Epist. 133. Vi decimas a sibi subiectis parochianis recipiat, nisi haecenus sub alijs Episcopis habitarent.

Epist. 134. Quod licet ipse cum consensu Episcopi, & sine detrimento alterius, oratoria extruere.

Epist. 135. De procuracione exhibenda fratribus S. Irenaei. Cap. Quanto. De censib.